



Hans Enoksen
Inatsisartunut Ilaasortaq, Partii Naleraq

Atuarfik Tuiisaaq pillugu § 37 naapertorlugu apeqqtinnut nr. 129/2020-mut akissut

11-08-2020
Suliap nr. 2020 - 12629
All. nr: 14323183

Asasara Hans Enoksen

Postboks 1027
3900 Nuuk
Oqarasuaat: +299 34 50 00
Fax: +299 32 54 33
Email: lkin@nanoq.gl
www.nanoq.gl

Inatsisartut suleriaasiat naapertorlugu apeqqtinnut qujanaq. Apeqqtigineqartut tullinnguuttuni akissuteqarfigissavakka.

1. Paamiuni meeqqat atuarfiat Tuiisaaq maannakkut ima ajortigivoq allaat atuartut atuarfimiittarneq pissutigalugu peqqissutsikkut malugiagaqartalersimalluti – tamanna pillugu misissuisoqarnikuuva?

Akissutit: Atuarfiit illutaasa namminersorlutik oqartussanit kommuninut tunniussorneqarnerinut atatillugu namminersorlutik oqartussat kommunit peqatigalugit nunatsinni atuarfiit paaqqinnittarfiillu illutaasa pitsaassusaat nuna tamakkerlugu nalunaarsorneqarsimapput. Pitsaassutsinik nalunaarsuinerit 2016/2017-imi ingerlanneqarput. 1. januar 2018-imi atuarfiit illutaat kommuninut akisussaaffigineqalerput, taamaasillutillu illuutit pitsaassusaat kommuninut tamakkiisumik akisussaaffigineqalerlutik, tassunga ilanngullugit meeqqat atuarfianni sullivimmi atugassarititat il.il pillugit misissuisarnerit naammassineqartarnerinut tunngasut. Meeqperivinnik atuarfinillu sanaartornermut iluarsartuussinermullu suliassaqaarfimmik nuussinermi kommuninut ataatsimoortumik tapiissutit ukiumut 90 mio. koruninik suliassaqaarfimmu qaffaasoqarpoq.

Atuarfik Tuiisaaq kisiat eqqarsaatigalugu atuarfiup Paamiuniittup pitsaassusaa atorsinnaassusaalu 2015-imi nalunaarsorneqarsimapput, ilaatigullu tamatuma kingunerisaanik atuarfiup naqqata ataani 2016-imi oquiaasoqarsimalluni.

Kommuneqarfik Sermersuup ilisimatitsissutigaa kommunimi illoqarfinni atuarfiit tamarmik Paamiuni atuarfik ilanngullugu initaasa silaannarissusaat 2018-imi misissorneqarsimasut. Misissuinerit taakku inernerit kommunip tamatuma kingorna kommunimi atuarfiit iluarsartuunneqarnissaannut pingaarnersuilluni tulleriarinerani aallaavigineqarsimapput.

Kommuneqarfik Sermersuup ilisimatitsissutigaa atuarfinnut tunngatillugu oqartussaaffiup tiguneqarnerata kingorna Nuummi Nuussuarmi atuarfik aammalu Kangilinguani atuarfik, Ittoqqortoormiini atuarfik kingullertullu Tasiilami atuarfik iluarsartuullugit aallartinneqarsimasut. Tamatuma saniatigut USK-ip ASK-illu taartissaanik Nuummi nutaamik atuarfiliorneq aallartinneqareerpoq.

2. Kommuneqarfik Sermersooq Paamiuni Atuarfik Tuiisap pillugu qanoq pilersaaruteqarnersoq Naalackersuisuniit ilisimaneqarpa?

Akissut: Kommuneqarfik Sermersooq Naalackersuisunut ima ilisimatitsissuteqarpoq: "Paamiuni Atuarfik Tuiisap ukioq manna iluarsartuunneqarnissaa Kommuneqarfik Sermersuup suliarinnittussarsiuutilereepaa. Iluarsartuussinermi suliassat tassaassapput silammut iikkat oqorsaqqinnissaat, igalaat silaannarmillu aqutsissutit taarsersornissaat, silaannarmik aqutsissummik CO2-mut aqutsissutitalimmik qitiusumik inissisimangitsumik pilersitsinissaq kiisalu atuarfiup kujammut sammisortaani inini atuartsiviusartuni atortut video-kkut nakkutigineqarnissaanut atortuliinissaq, matut ikuallattoqalersillugu nammineq ammarlutillu matusartut taarsersornissaat, ABA-atortumik pilersitsinissaq kiisalu qimaaffissiatut aqutit qullilersornissaat. Paamiuni atuarfiup iluarsarneqarnissaa pisariaqavippoq atuarfik aserfallassimaqimmat aammalu ikuallattoqalersillugu naammattumik isumannaallisaasoqarsimanginnerata kingunerisaanik qatserisartoqarnermut oqartussanit iluarsineqarnissaanut peqqussummik tigusaqartoqarnikummat. Suliassat tamakkerlutik 20-25 mio. kr.-inik akeqassangatinneqarput."

3. Paamiuni Atuarfik Tuiisap tamakkiisumik iluarsaanniarpaat?

Taamaattoqarpat Naalackersuisut qinnuvigaakka iluarsaassinerup qaqugu naammassineqarnissaa ilanngullugu paasissutissiissutigeqqullugu.

Akissut: Apeqqummi 1-imut akissummi takuneqarsinnaasutut atuarfiit illutaat 1. januar 2018 aallarnerfigalugu kommuninit akisussaaffigineqalerput. Tamatuma kingunerisaanik meeqqat atuarfiisa iluarsartuunneqarnissaanut nutaamilluunniit sanasoqarnissaanut apeqqutit kommuninit tamakkiisumik oqartussaaffigineqalernikuullutik. Taamaattumik oqartussaaffiit kommuninit isumagineqalernikummata Naalackersuisut imaasiallaannarlutik suliassanik aallartitsinnaangillat. Apeqqut 4-mut akissutigineqartoq aamma takuuk.

4. Naalackersuisut nalilernikuuvaat Paamiuni Atuarfik Tuiisap nutarternagu nutaamik atuarfiloraanni aqqiissut pitsaanerpaajussannginnersoq?

Akissut: Kommuneqarfik Sermersooq Naalackersuisunut ima ilisimatitsissuteqarpoq: "Iluarsartuussinissat siuliani oqaatigineqartut aqutigalugit atuarfiup illutaa pitsanngortinneqarsinnaassasoq siullertut nalilernerqarpoq, iluarsartuussinissarli ima annertutigisinnaalluni atuarfimmik nutaamik sanasinnaanissaq Kommuneqarfik Sermersuomit eqqarsaatigineqartariaqarsinnaalluni."

Inussiarnersumik inuulluaqqusillunga



Karl Frederik Danielsen

Ilinniartitaanermut, Kultureqarnermut Ilageeqarnermullu Naalackersuisuugallartoq